

二十四史(附《清史稿》)

(第九卷)

中州古籍出版社

辽史目录

卷一 本纪第一	
太祖上	1
卷二 本纪第二	
太祖下	3
卷三 本纪第三	
太宗上	5
卷四 本纪第四	
太宗下	7
卷五 本纪第五	
世宗	10
卷六 本纪第六	
穆宗上	11
卷七 本纪第七	
穆宗下	12
卷八 本纪第八	
景宗上	13
卷九 本纪第九	
景宗下	14
卷十 本纪第十	
圣宗一	15
卷十一 本纪第十一	
圣宗二	17
卷十二 本纪第十二	
圣宗三	19
卷十三 本纪第十三	
圣宗四	20
卷十四 本纪第十四	
圣宗五	22
卷十五 本纪第十五	
圣宗六	24
卷十六 本纪第十六	
圣宗七	26
卷十七 本纪第十七	
圣宗八	28
卷十八 本纪第十八	
兴宗一	30
卷十九 本纪第十九	
兴宗二	32
卷二十 本纪第二十	
兴宗三	33
卷二十一 本纪第二十一	
道宗一	35
卷二十二 本纪第二十二	
道宗二	36

卷二十三 本纪第二十三	
道宗三	38
卷二十四 本纪第二十四	
道宗四	39
卷二十五 本纪第二十五	
道宗五	41
卷二十六 本纪第二十六	
道宗六	42
卷二十七 本纪第二十七	
天祚皇帝一	44
卷二十八 本纪第二十八	
天祚皇帝二	45
卷二十九 本纪第二十九	
天祚皇帝三	47
卷三十 本纪第三十	
天祚皇帝四	49
卷三十一 志第一	
营卫志上	50
官卫	50
著帐郎君	52
著帐户	52
卷三十二 志第二	
营卫志中	52
行营	52
部族上	53
卷三十三 志第三	
营卫志下	54
部族下	54
卷三十四 志第四	
兵卫志上	55
兵制	56
卷三十五 志第五	
兵卫志中	56
御帐亲军	56
官卫骑军	56
大首领部族军	57
众部族军	57
卷三十六 志第六	
兵卫志下	57
五京乡丁	57
属国军	58
边境戍兵	58
卷三十七 志第七	
地理志一	59

上京道	59
头下军州	61
边防城	61
卷三十八 志第八	
地理志二	62
东京道	62
卷三十九 志第九	
地理志三	65
中京道	65
卷四十 志第十	
地理志四	67
南京道	67
卷四十一 志第十一	
地理志五	69
西京道	69
卷四十二 志第十二	
历象志上	71
历	71
卷四十三 志第十三	
历象志中	75
闰考	75
卷四十四 志第十四	
历象志下	77
朔考	77
象	95
刻漏	96
官星	96
卷四十五 志第十五	
百官志一	96
北面上	96
北面朝官	96
北面御帐官	98
北面著帐官	98
北面皇族帐官	99
北面诸帐官	100
北面宫官	100
卷四十六 志第十六	
百官志二	101
北面下	101
北面部族官	101
北面坊场局治牧厩等官	102
北面军官	103
北面边防官	104
北面行军官	105
北面属国官	105
卷四十七 志第十七上	
百官志三	107
南面上	107
南面朝官	108
南面宫官	111

卷四十八 志第十七下	
百官志四	112
南面下	112
南面京官	112
南面大蕃府官	113
南面方州官	113
南面分司官	115
南面财赋官	115
南面军官	115
南面边防官	116
卷四十九 志第十八	
礼志一	116
吉仪	116
卷五十 志第十九	
礼志二	117
凶仪	117
卷五十一 志第二十	
礼志三	118
军仪	118
礼志四	119
宾仪	119
卷五十二 志第二十一	
礼志五	121
嘉仪上	121
卷五十三 志第二十二	
礼志六	123
嘉仪下	123
卷五十四 志第二十三	
乐志	126
国乐	126
诸国乐	126
雅乐	126
大乐	127
散乐	128
鼓吹乐	128
横吹乐	128
卷五十五 志第二十四	
仪卫志一	129
舆服	129
国舆	129
汉舆	129
卷五十六 志第二十五	
仪卫志二	130
国服	130
汉服	130
卷五十七 志第二十六	
仪卫志三	131
符印	131
印	131
符契	131

卷五十八 志第二十七	
仪卫志四	
仪仗	132
国仗	132
渤海仗	132
汉仗	132
卤簿仪仗人数马匹	132
卷五十九 志第二十八	
食货志上	133
卷六十 志第二十九	
食货志下	133
卷六十一 志第三十	
刑法志上	134
卷六十二 志第三十一	
刑法志下	136
卷六十三 表第一	
世表	(略)
卷六十四 表第二	
皇子表	(略)
卷六十五 表第三	
公主表	(略)
卷六十六 表第四	
皇族表	(略)
卷六十七 表第五	
外戚表	(略)
卷六十八 表第六	
游幸表	(略)
卷六十九 表第七	
部族表	(略)
卷七十 表第八	
属国表	(略)
卷七十一 列传第一	
后妃	
肃祖昭烈皇后萧氏	137
懿祖庄敬皇后萧氏	137
玄宗简献皇后萧氏	137
德祖宣简皇后萧氏	137
太祖淳钦皇后述律氏	137
太宗靖安皇后萧氏	137
世宗怀节皇后萧氏	137
世宗妃甄氏	137
穆宗皇后萧氏	138
景宗睿知皇后萧氏	138
圣宗仁德皇后萧氏	138
圣宗钦哀皇后萧氏	138
兴宗仁懿皇后萧氏	138
兴宗贵妃萧氏	138
道宗宣懿皇后萧氏	138
道宗惠妃萧氏	138
天祚皇后萧氏	138

天祚德妃萧氏	138
天祚文妃萧氏	138
天祚元妃萧氏	139
卷七十二 列传第二	
宗室	
义宗倍	139
子平王隆先	139
晋王道隐	139
章肃皇帝李胡	139
子宋王喜隐	140
顺宗濬	140
晋王敖卢鞬	140
卷七十三 列传第三	
耶律曷鲁	140
萧敌鲁	141
弟阿古只	141
耶律斜涅赤	141
侄老古	141
颇德	141
耶律欲稳	142
耶律海里	142
卷七十四 列传第四	
耶律敌剌	142
萧痕笃	142
康默记	142
孙延寿	142
韩延徽	142
子德枢	142
德枢孙绍勋 绍芳	142
绍芳孙资让	143
韩知古	143
子匡嗣	143
孙德源 德凝	143
卷七十五 列传第五	
耶律覲烈	143
弟羽之	143
耶律铎臻	143
弟古	143
突吕不	144
王郁	144
耶律图鲁窘	144
卷七十六 列传第六	
耶律解里	144
耶律拔里得	144
耶律朔古	144
耶律鲁不古	145
赵延寿	145
高模翰	145
赵思温	145
耶律涅里思	145
张砺	146

卷七十七 列传第七

耶律屋质	146
耶律吼	147
子何鲁不	147
耶律安抟	147
耶律注	147
耶律頵昱	147
耶律挾烈	147

卷七十八 列传第八

耶律夷腊葛	148
萧海瓌	148
萧护思	148
萧思温	148
萧继先	148

卷七十九 列传第九

室昉	148
耶律贤适	149
女里	149
郭袭	149
耶律阿没里	149

卷八十 列传第十

张俭	149
邢抱朴	150
马得臣	150
萧朴	150
耶律八哥	150

卷八十一 列传第十一

耶律室鲁	150
子欧里思	151
王继忠	151
萧孝忠	151
陈昭袞	151
萧合卓	151

卷八十二 列传第十二

耶律隆运	151
弟德威	152
德威孙添鲁	152
侄制心	152
耶律勃古哲	152
萧阳阿	152
武白	152
萧常哥	152
耶律虎古	152
子磨鲁古	152

卷八十三 列传第十三

耶律休哥	153
孙马哥	153
耶律斜轸	153
耶律奚低	153
耶律学古	153

弟乌不吕	154
------------	-----

卷八十四 列传第十四

耶律沙	154
耶律抹只	154
萧干	154
侄讨古	154
耶律善补	154
耶律海里	155

卷八十五 列传第十五

萧挾凛	155
萧观音奴	155
耶律题子	155
耶律渚理	155
耶律奴瓜	155
萧柳	155
高勋	155
奚和朔奴	156
萧塔列葛	156
耶律撒合	156

卷八十六 列传第十六

耶律合住	156
刘景	156
刘六符	156
耶律褒履	157
牛温舒	157
杜防	157
萧和尚	157
弟特末	157
耶律合里只	157
耶律颇的	157

卷八十七 列传第十七

萧孝穆	157
子撒八	158
弟孝先 孝友	158
萧蒲奴	158
耶律蒲古	158
夏行美	158

卷八十八 列传第十八

萧敌烈	159
弟拔刺	159
耶律盆奴	159
萧排押	159
弟恒德	159
恒德子匹敌	159
耶律资忠	159
耶律瑶质	160
耶律弘古	160
高正	160
耶律的瑑	160
大康义	160

卷八十九 列传第十九

耶律庶成	160
弟庶箴	160
庶箴子蒲鲁	160
杨哲	161
耶律韩留	161
杨佖	161
耶律和尚	161

卷九十 列传第二十

萧阿剌	161
耶律义先	161
弟信先	162
萧陶隗	162
萧塔刺葛	162
耶律敌禄	162

卷九十一 列传第二十一

耶律韩八	162
耶律唐古	162
萧术哲	162
侄药师奴	163
耶律玦	163
耶律仆里笃	163

卷九十二 列传第二十二

萧夺剌	163
萧普达	163
耶律侯哂	163
耶律古昱	163
耶律独颢	163
萧韩家	163
萧乌野	164

卷九十三 列传第二十三

萧惠	164
子慈氏奴	164
萧迁鲁	164
弟铎卢斡	164
萧图玉	165
耶律铎轸	165

卷九十四 列传第二十四

耶律化哥	165
耶律斡腊	165
耶律速撒	165
萧阿鲁带	165
耶律那也	166
耶律何鲁扫古	166
耶律世良	166

卷九十五 列传第二十五

耶律弘古	166
耶律马六	166
萧滴冽	166
耶律适禄	166

耶律陈家奴	166
耶律特摩	167
耶律仙童	167
萧素飒	167
耶律大悲奴	167

卷九十六 列传第二十六

耶律仁先	167
子挾不也	168
耶律良	168
萧韩家奴	168
萧德	168
萧惟信	168
萧乐音奴	168
耶律敌烈	168
姚景行	168
耶律阿思	169

卷九十七 列传第二十七

耶律斡特剌	169
孩里	169
宴景庸	169
耶律引吉	169
杨绩	169
赵徽	170
王观	170
耶律喜孙	170

卷九十八 列传第二十八

萧兀纳	170
耶律严	170
刘伸	170
耶律胡吕	171

卷九十九 列传第二十九

萧岩寿	171
耶律撒剌	171
萧速撒	171
耶律挾不也	171
萧挾不也	171
萧忽古	171
耶律石柳	172

卷一百 列传第三十

耶律棠古	172
萧得里底	172
萧酬斡	172
耶律章奴	172
耶律术者	173

卷一百一 列传第三十一

萧陶苏斡	173
耶律阿息保	173
萧乙薛	173
萧胡笃	174

卷一百二 列传第三十二

萧奉先	174	耶律乙辛	181
李处温	174	张孝杰	182
张琳	174	耶律燕哥	182
耶律余覩	174	萧十三	182
卷一百三 列传第三十三		卷一百十一 列传第四十一	
文学上		奸臣下	
萧韩家奴	175	萧余里也	182
李澣	176	耶律合鲁	182
卷一百四 列传第三十四		萧得里特	182
文学下		萧讹都斡	182
王鼎	176	萧达鲁古	183
耶律昭	176	耶律塔不也	183
刘辉	177	萧图古辞	183
耶律孟简	177	卷一百十二 列传第四十二	
耶律谷欲	177	逆臣上	
卷一百五 列传第三十五		耶律辖底	183
能吏		子迭里特	183
大公鼎	177	耶律察割	184
萧文	178	耶律娄国	184
马人望	178	耶律重元	184
耶律铎鲁斡	178	子涅鲁古	184
杨遵勗	178	耶律滑哥	184
王棠	178	卷一百十三 列传第四十三	
卷一百六 列传第三十六		逆臣中	
卓行		萧翰	184
萧札刺	179	耶律牒蜡	185
耶律官奴	179	耶律朗	185
萧蒲离不	179	耶律刘哥	185
卷一百七 列传第三十七		弟盆都	185
列女		耶律海思	185
邢简妻陈氏	179	耶律敌猎	185
耶律氏常哥	179	萧革	185
耶律奴妻萧氏	179	卷一百十四 列传第四十四	
耶律术者妻萧氏	179	逆臣下	
耶律中妻萧氏	179	萧胡覩	186
卷一百八 列传第三十八		萧迭里得	186
方技		古迭	186
直鲁古	180	耶律撒剌竹	186
王白	180	奚回离保	186
魏璘	180	萧特烈	186
耶律敌鲁	180	卷一百十五 列传第四十五	
耶律乙不哥	180	二国外纪	
卷一百九 列传第三十九		高丽	187
伶官		西夏	187
罗衣轻	180	卷一百十六 国语解	189
宦官		附录	
王继恩	181	修三史诏	192
赵安仁	181	进辽史表	192
卷一百十 列传第四十		三史凡例	193
奸臣上		修史官员	193

辽史

卷一

本纪第一

太祖上

太祖大圣大明神烈天皇帝，姓耶律氏，讳亿，字阿保机，小字啜里只，契丹迭剌部霞濑益石烈乡耶律弥里人，德祖皇帝长子，母曰宣简皇后萧氏，唐咸通十三年生。初，母梦日堕怀中，有娠。及生，室有神光异香，体如三岁儿，即能匍匐。祖母简献皇后异之，鞠为己子。常匿于别幕，涂其面，不令他人见。三月能行；啐而能言，知未然事。自谓左右若有神人翼卫。虽齟齬，言必及世务，时伯父当国，疑辄咨焉。既长，身長九尺，丰上锐下，目光射人，关弓三百斤。为挾马狻沙里。时小黄室韦不附，太祖以计降之。伐越兀及乌古、六奚、比沙狻诸部，克之。国人号阿主沙里。

唐天复元年，岁辛酉，痕德堇可汗立，以太祖为本部夷离堇，专征讨，连破室韦、于厥及奚帅辖刺哥，俘获甚众。冬十月，授大迭烈府夷离堇。明年秋七月，以兵四十万伐河东北，攻下九郡，获生口九万五千，驼、马、牛、羊不可胜纪。九月，城龙化州于潢河之南，始建开教寺。明年春，伐女直，下之，获其户三百。九月，复攻下河东怀远等军。冬十月，引军略至薊北，俘获以还。先是德祖俘奚七千户，徙饶乐之清河。至是创为奚迭剌部，分十三县。遂拜太祖于越、总知军国事。明年岁甲子，三月，广龙化州之东城。九月，讨黑车子室韦，唐卢龙军节度使刘仁恭发兵数万，遣养子赵霸来拒。霸至武州，太祖谍知之，伏劲兵桃山下。遣室韦人牟里沓称其酋长所遣，约霸兵会平原。既至，四面伏发，擒霸，歼其众，乘胜大破室韦。明年七月，复讨黑车子室韦。唐河东节度使李克用遣通事康令德乞盟。冬十月，太祖以骑兵七万会克用于云州，宴酣，克用借兵以报刘仁恭木瓜涧之役，太祖许之。易袍马，约为兄弟。及进

兵击仁恭，拔数州，尽徙其民以归。明年二月，复击刘仁恭。还，袭山北奚，破之。汴州朱全忠遣人浮海奉书币、衣带、珍玩来聘。十一月，遣偏师讨奚、霫诸部及东北女直之未附者，悉破降之。十二月，痕德堇可汗殂，群臣奉遗命请立太祖。曷鲁等劝进，太祖三让，从之。

元年春正月庚寅，命有司设坛于如迁王集会垆，燔柴告天，即皇帝位。尊母萧氏为皇太后，立皇后萧氏。北宰相萧辖刺、南宰相耶律欧里思率群臣上尊号曰天皇帝，后曰地皇后。庚子，诏皇族承遥辇氏九帐为第十帐。二月戊午，以从弟迭栗底为迭烈府夷离堇。是月，征黑车子室韦，降其八部。夏四月丁未朔，唐梁王朱全忠废其主，寻弑之，自立为帝，国号梁，遣使来告。刘仁恭子守光囚其父，自称幽州卢龙军节度使。秋七月乙酉，其兄平州刺史守奇率其众数千人来降，命置之平卢城。冬十月乙巳，讨黑车子室韦，破之。

二年春正月癸酉朔，御正殿，受百官及诸国使朝。辛巳，始置惕隐，典族属，以皇弟撒剌为之。河东李克用卒，子存勖袭，遣使吊慰。夏五月癸酉，诏撒剌讨乌丸、黑车子室韦。秋八月壬子，幽州进合欢瓜。冬十月己亥朔，建明王楼。筑长城于镇东海口。遣轻兵取吐浑叛入室韦者。

三年春正月，幸辽东。二月丁酉朔，梁遣郎公远来聘。三月，沧州节度使刘守文为弟守光所攻，遣人来乞兵讨之。命皇弟舍利素、夷离堇萧敌鲁以兵会守文于北淖口。进至横海军近淀，一鼓破之，守光溃去。因名北淖口为会盟口。夏四月乙卯，诏左仆射韩知古建碑龙化州大广寺以纪功德。五月甲申，置羊城于炭山之北以通市易。冬十月己巳，遣鹰军讨黑车子室韦，破之。西北唃娘改部族进挽车人。

四年秋七月戊子朔，以后兄萧敌鲁为北府宰相。后族为相自此始。冬十月，乌马山奚库支及查刺底、锄勃德等叛，讨平之。

五年春正月丙戌朔，日有食之。丙申，上亲征西部奚。奚阻险，叛服不常，数招谕弗听。是役所向辄下，遂分兵讨东部奚，亦平之。于是尽有奚、霫之地。东际海，南暨白檀，西逾松漠，北抵潢水，凡五部，咸入版籍。三月，次滦

河，刻石纪功。复略地蓟州。夏四月壬申，遣人使梁。五月，皇弟刺葛、迭刺、寅底石、安端谋反。安端妻粘睦姑知之，以告，得实。上不忍加诛，乃与诸弟登山刑牲，告天地为誓而赦其罪。出刺葛为迭刺部夷离菑，封粘睦姑为晋国夫人。秋七月壬午朔，斜离底及诸蕃使来贡。八月甲子，刘守光僭号幽州，称燕。冬十月戊午，置铁冶。十一月壬午，遣人使梁。

六年春正月，以化葛为惕隐。二月戊午，亲征刘守光。三月，至自幽州。夏四月，梁郢王友珪弑父自立。秋七月丙午，亲征术不姑，降之，俘获以数万计，命弟刺葛分兵攻平州。八月壬辰，上次恩德山。皇子李胡生。冬十月戊寅，刺葛破平州，还，复与迭刺、寅底石、安端等反。甲申，遣人使梁致祭。壬辰，还次北阿鲁山，闻诸弟以兵阻道，引军南趋十七泺。是日燔柴。翼日，次七渡河，诸弟各遣人谢罪。上犹矜怜，许以自新。是岁，以兵讨两冶，以所获僧崇文等五十人归西楼，建天雄寺以居之，以示天助雄武。

七年春正月甲辰朔，以用兵免朝。晋王李存勖拔幽州，擒刘守光。甲寅，王师次赤水城，弟刺葛等乞降。上素服，乘赭白马，以将军耶律乐姑、辖刺仅阿钵为御，解兵器、肃侍卫以受之，因加慰谕。刺葛等引退，上复数遣使抚慰。二月甲戌朔，梁均王友贞讨杀其兄友珪，嗣立。三月癸丑，次芦水，弟迭刺哥图为奚王，与安端拥千余骑而至，给称入觐。上怒曰：“尔曹始谋逆乱，朕特恕之，使改过自新，尚尔反覆，将不利于朕！”遂拘之，以所部分隶诸军。而刺葛引其众至乙室菑淀，具天子旗鼓，将自立，皇太后阴遣人谕令避去。会弭姑乃、怀里阳言车驾且至，其众惊溃，掠居民北走，上以兵追之，刺葛遣其党寅底石引兵径趋行宫，焚其辎重、庐帐，纵兵大杀。皇后急遣蜀古鲁救之，仅得天子旗鼓而已。其党神速姑复劫西楼，焚明王楼。上至土河，秣马休兵，若不以为意。诸将请急追之，上曰：“俟其远遁，人各怀土，怀土既切，其心必离，我军乘之，破之必矣！”尽以先所获资畜分赐将士，留夷离毕直里姑总政务。夏四月戊寅，北追刺葛。己卯，次弥里，问诸弟面木叶山射鬼箭厌禳，乃执叛人解里向彼，亦以其法厌之。至达里淀，选轻骑追及培只河，尽获其党辎重、生口。先遣室韦及吐浑酋长拔刺、迪里姑等五人分兵伏其前路，命北宰相迪里古为先锋进击之。刺葛率兵逆战，迪里古以轻兵薄之。其弟遏古只临阵，射数十人毙，众莫敢前。相拒至晡，众乃溃。追至柴河，遂自焚其车乘庐帐而去。前遇拔刺、迪里姑等伏发，合击，遂大败之。刺葛奔溃，遗其所夺神帐於路，上见而拜奠之。所获生口尽纵归本土。其党库古只、磨朵皆面缚请罪。师次札堵河，大雨暴涨。五月癸丑，遣北宰相迪辇率骁骑先渡。甲寅，奏擒刺葛、涅里衮阿钵于榆河，前北宰相萧实鲁、寅底石自刭不殊。遂以黑白羊祭天地。壬戌，刺葛、涅里衮阿钵诣行在，以稿索自缚，牵羊望拜。上还至大岭。时大军久出，辎重不相属，士卒煮马驹、采野菜以为食，孳畜道毙者十七八，物价十倍，器服资货委弃于楚里河，狼藉数百里，因更刺葛名暴里。丙寅，至库里，以青牛白马祭天地。以生口六百、马二千三百分赐大小鹈军。六月辛巳，至榆岭，以辖赖县人扫古非法残民，

磔之。甲申，上登都庵山。抚其先奇首可汗遗迹，徘徊顾瞻而兴叹焉。闻狱官涅离擅造大校，人不堪其苦，有至死者，命诛之。壬辰，次狼河，获逆党雅里、弥里，生埋之铜河南轨下。放所俘还，多为于骨里所掠。上怒，引轻骑驰击。复遣骁将分道追袭，尽获其众并掠者。庚子，次阿敦泺，以养子涅里思附诸弟叛，以鬼箭射杀之。其余党六千，各以轻重论刑。于厥掠生口者三十余人，亦俾赎其罪，放归本部。至石岭西，诏收回军乏食所弃兵仗，召北府兵验而还之。以夷离菑涅里衮附诸弟为叛，不忍显戮，命自投崖而死。秋八月己卯，幸龙眉官，擒逆党二十九人，以其妻女赐有功将校，所掠珍宝、孳畜还主；亡其本物者，命责偿其家；不能偿者，赐以其部曲。九月壬戌，上发自西楼。冬十月庚午，驻赤崖。戊寅，和州回鹘来贡。癸未，乙室府人迪里古、迷骨离部人特里以从逆诛。诏群臣分决滞讼，以韩知古录其事，只里姑掌捕亡。十一月，祠木叶山。还次昭乌山，省风俗，见高年，议朝政，定吉凶仪。十二月戊子，燔柴于莲花泺。

八年春正月甲辰，以曷鲁为迭刺部夷离菑，忽烈为惕隐。于骨里部人特离敏执逆党怖胡、亚里只等十七人来献，上亲鞠之。辞多连宗室及有勋从者，乃杖杀首恶怖胡，余并原释。于越率懒之子化哥屡蓄奸谋，上每优容之，而反覆不悛，召父老群臣正其罪，并其子戮之，分其财以给卫士。有司所鞠逆党三百余人，狱既具，上以人命至重，死不复生，赐宴一日，随其平生之好，使为之。酒酣，或歌、或舞、或戏射、角觝，各极其意。明日，乃以轻重论刑。首恶刺葛，其次迭刺哥，上犹弟之，不忍置法，杖而释之。以寅底石、安端性本庸弱，为刺葛所使，皆释其罪。前于越赫底里子解里、刺葛妻辖刺已实预逆谋，命皆绞杀之。寅底石妻涅离助从，安端妻粘睦姑尝有忠告，并免。因谓左右曰：“诸弟性虽敏黠，而蓄奸稔恶。尝自矜有出人之智，安忍凶狠，溪壑可塞而贪黷无厌。求人于死，岂朕所欲。若止负朕躬，尚可容贷。此曹恣行不道，残害忠良，涂炭生民，剽掠财产。民间昔有万马，今皆徒步，有国以来所未尝有，实不得已而诛之。”冬十月甲子朔，建开皇殿于明王楼基。

九年春正月，乌古部叛，讨平之。夏六月，幽州军校齐行本举其族及其部曲男女三千人请降，诏授检校尚书、左仆射，赐名兀欲，给其廩食。数日亡去，幽州周德威纳之。及诏索之，德威语不逊，乃议南征。冬十月戊申，钓鱼于鸭绿江。新罗遣使贡方物，高丽遣使进宝剑，吴越王钱谬遣滕彦休来贡。是岁，君基太一神数见，诏图其像。

神册元年春二月丙戌朔，上在龙化州，迭烈部夷离菑耶律曷鲁等率百僚请上尊号，三表乃允。丙申，群臣及诸属国筑坛州东，上尊号曰大圣大明天皇帝，后曰应天大

明地皇后。大赦，建元神册。初，罽地为坛，得金铃，因名其地曰金铃冈，坛侧满林曰册圣林。三月丙辰，以迭烈部夷离菟葛鲁为阿庐朵里于越，百僚进秩，颁赉有差，赐酺三日。立子倍为皇太子。夏四月乙酉朔，晋幽州节度使卢国用来降，以为幽州兵马留后。甲辰，梁遣郎公远来贺。六月庚寅，吴越王遣滕彦休来贡。秋七月壬申，亲征突厥、吐浑、党项、小蕃、沙陀诸部，皆平之。俘其酋长及其户万五千六百，铠甲、兵仗、器服九十余万，宝货、驼马、牛羊不可胜算。八月，拔朔州，擒节度使李嗣本。勒石纪功于青冢南。冬十月癸未朔，乘胜而东。十一月，攻蔚、新、武、妫、儒五州，斩首万四千七百有级。自代北至河曲逾阴山，尽有其地。遂改武州为归化州，妫州为可汗州，置西南面招讨司，选有功者领之。其围蔚州，敌楼无故自坏，众军大噪乘之，不逾时而破。时梁及吴越二使皆在焉，诏引环城观之，因赐滕彦休名曰述吕。十二月，收山北八军。

二年春二月，晋新州裨将卢文进杀节度使李存矩来降。进攻其城，刺史安全全遁，以文进部将刘殷为刺史。三月辛亥，攻幽州，节度使周德威以幽、并、镇、定、魏五州之兵拒于居庸关之西，合战于新州东，大破之，斩首三万余级。杀李嗣恩之子武八。以后弟阿骨只为统军，实鲁为先锋，东出关略燕、赵，不遇敌而还。己未，于骨里叛，命室鲁以兵讨之。夏四年壬午，围幽州，不克。六月乙巳，望城中有气如烟火状，上曰：“未可攻也。”以大暑霖潦，班师。留葛鲁、卢国用守之。刺葛与其子赛保里叛入幽州。秋八月，李存勖遣李嗣源等救幽州，葛鲁等以兵少而还。

三年春正月丙申，以皇弟安端为大内惕隐，命攻云州及西南诸部。二月，达旦国来聘。癸亥，城皇都，以礼部尚书康默记充版筑使。梁遣使来聘。晋、吴越、渤海、高丽、回鹘、阻卜、党项及幽、镇、定、魏、潞等州各遣使来贡。夏四月乙巳，皇弟迭烈哥谋叛，事觉，知有罪当诛，预为营圻，而诸戚请免。上素恶其弟寅底石妻涅里衮，乃曰：“涅里衮能代其死，则从。”涅里衮自缢圻中，并以奴女古、叛人葛鲁只生瘞其中。遂赦迭烈哥。五月乙亥，诏建孔子庙、佛寺、道观。秋七月乙酉，于越葛鲁薨，上震悼久之，辍朝三日，赠赙有加。冬十二月庚子朔，幸辽阳故城。辛丑，北府宰相萧敌鲁薨。戊午，以于越葛鲁弟污里轸为迭烈部夷离菟，萧阿古只为北府宰相。甲子，皇孙隈欲生。

卷二

本纪第二

太祖下

四年春正月丙申，射虎东山。二月丙寅，修辽阳故城，以汉民、渤海户实之，改为东平郡，置防御使。夏五月庚辰，至自东平郡。秋八月丁酉，谒孔子庙，命皇后、皇太子分谒寺观。九月，征乌古部，道闻皇太后不豫，一日驰六百里还，侍太后，病间，复还军中。冬十月丙午，次乌古部，

天大风雪，兵不能进，上祷于天，俄顷而霁。命皇太子将先锋军进击，破之，俘获生口万四千二百，牛马、车乘、庐帐、器物二十余万。自是举部来附。

五年春正月乙丑，始制契丹大字。夏五月丙寅，吴越王复遣滕彦休贡犀角、珊瑚，授官以遣。庚辰，有龙见于拽刺山阳水上，上射获之，藏其骨内府。闰六月丁卯，以皇弟苏为惕隐，康默记为夷离毕。秋八月己未朔，党项诸部叛。辛未，上亲征。九月己丑朔，梁遣郎公远来聘。壬寅，大字成，诏颁行之。皇太子率迭刺部夷离菟污里轸等略地云内、天德。冬十月辛未，攻天德。癸酉，节度使宋瑶降，赐弓矢、鞍马、旗鼓，更其军曰应天。甲戌，班师。宋瑶复叛。丙子，拔其城，擒宋瑶，俘其家属，徙其民于阴山南。十二月己未，师还。

六年春正月丙午，以皇弟苏为南府宰相，迭里为惕隐。南府宰相，自诸弟搆乱，府之氏族多罹其祸，故其位久虚，以勳得部辖得里、只里古摄之。府中数请择任宗室，上以旧制不可辄变，请不已，乃告于宗庙而后授之。宗室为南府宰相自此始。夏五月丙戌朔，诏定律律，正班爵。丙申，诏画前代直臣像为《招谏图》，及诏长吏四孟月询民利病。六月乙卯朔，日有食之。冬十月癸丑朔，晋新州防御使王郁以所部山北兵入内附。丙子，上率大军入居庸关。十一月癸卯，下古北口。丁未，分兵略檀、顺、安远、三河、良乡、望都、潞、满城、遂城等十余城，俘其民徙内地。十二月癸丑，王郁率其众来朝，上呼郁为子，赏赉甚厚，而徙其众于潢水之南。庚申，皇太子率王郁略地定州，康默记攻长芦。唐义武军节度使王处直养子都囚其父，自称留后。癸亥，围涿州，有白兔缘垒而上，是日破其郭。癸酉，刺史李嗣弼以城降。乙亥，存勖至定州，王都迎谒马前。存勖引兵趋望都，遇我军秃馁五千骑，围之，存勖力战数四，不解。李嗣昭领三百骑来救，我军少却，存勖乃得出，大战，我军不利，引归。存勖至幽州，遣二百骑蹙我军后，我军反击，悉擒之。己卯，还次檀州，幽人来袭，击走之，擒其裨将。诏徙檀、顺民于东平、沈州。

天赞元年春二月庚申，复徇幽、蓟地。癸酉，诏改元，赦军前殊死以下。夏四月甲寅，攻蓟州。戊午，拔之，擒刺史胡琼，以卢国用、涅鲁古典军民事。壬戌，大殄军士。癸亥，李存勖围镇州，张文礼求援，命郎君迭烈、将军康末恒往击，败之，杀其将李嗣昭。辛未，攻石城县，拔之。五月丁未，张文礼卒，其子处瑾遣人奉表来谢。六月，遣鹰军击西南诸部，以所获赐贫民。冬十月甲子，以萧霞的为北府宰相。分迭刺部为二院：斜涅赤为北院夷离菟，绾思为南院夷离菟。诏分北大浓兀为二部，立两节度使以统之。十一月壬寅，命皇子尧骨为天下兵马大元帅，略地蓟北。

二年春正月丙申，大元帅尧骨克平州，获刺史赵思温、裨将张崇。二月，如平州。甲子，以平州为卢龙军，置节度使。三月戊寅，军于箭筈山，讨叛奚胡损，获之，射以鬼箭，诛其党三百人，沉之狗河。置奚堕瑰部，以勃鲁恩权总其事。夏四月己酉，梁遣使来聘，吴越王遣使来贡。癸丑，命尧骨攻幽州，迭刺部夷离菟靛烈胡山西地。庚申，尧骨军幽州东，节度使符存审遣人出战，败之，擒其将裴信

父子。闰月庚辰，尧骨抵镇州。壬午，拔曲阳。丙戌，下北平。是月，晋王李存勖即皇帝位，国号唐。五月戊午，尧骨师还。癸亥，大飨军士，赏赉有差。六月辛丑，波斯国来贡。秋七月，前北府宰相萧阿古只及王郁徇地燕、赵。冬十月辛未朔，日有食之。己卯，唐兵灭梁。

三年春正月，遣兵略地燕南。夏五月丙午，以惕隐迭里为南院夷离堇。是月，徙蓟州民实辽州地。渤海杀其刺史张秀实而掠其民。六月乙酉，召皇后、皇太子、大元帅及二宰相、诸部头等诏曰：“上天降监，惠及烝民。圣主明王，万载一遇。朕既上承天命，下统群生，每有征行，皆奉天意。是以机谋在己，取舍如神，国令既行，人情大附，舛讹归正，遐迩无愆。可谓大含溟海，安纳泰山矣！自我国之经营，为群方之父母。宪章斯在，胤嗣何忧？升降有期，去来在我。良筹圣会，自有契于天人；众国群王，岂可化其凡骨？三年之后，岁在丙戌，时值初秋，必有归处。然未终两事，岂负亲诚？日月非遥，戒严是速。”闻诏者皆惊惧，莫识其意。是日，大举征吐浑、党项、阻卜等部。诏皇太子监国，大元帅尧骨从行。秋七月辛亥，曷刺等击素昆那山东部族，破之。八月乙酉，至乌孤山，以鹅祭天。甲午，次古单于国，登阿里典压得斯山，以鹿祭。九月丙申朔，次古回鹘城，勒石纪功。庚子，拜日于黠林。丙午，遣骑攻阻卜。南府宰相苏、南院夷离堇迭里略地西南。乙卯，苏等献俘。丁巳，凿金河水，取乌山石，肇致潢河、木叶山，以示山川朝海宗岳之意。癸亥，大食国来贡。甲子，诏赉辟遏可汗故碑，以契丹、突厥、汉字纪其功。是月，破胡母思山诸蕃部，次业得思山，以赤牛青马祭天地。回鹘霸里遣使来贡。冬十月丙寅朔，猎寓乐山，获野兽数千，以充军食。丁卯，军于霸离思山。遣兵逾流沙，拔浮图城，尽取西鄙诸部。十一月乙未朔，获甘州回鹘都督毕离遏，因遣使谕其主乌母主可汗。射虎于乌刺邪里山，抵霸室山。六百余里且行且猎，日有鲜食，军士皆给。

四年春正月壬寅，以捷报皇后、皇太子。二月丙寅，大元帅尧骨略党项。丁卯，皇后遣康末怛问起居，进御服、酒膳。乙亥，萧阿古只略燕、赵还，进牙旗兵仗。辛卯，尧骨献党项俘。三月丙申，飨军于水精山。夏四月甲子，南攻小蕃，下之。皇后、皇太子迎谒于札里河。癸酉，回鹘乌母主可汗遣使贡谢。五月甲寅，清暑室韦北陞。秋九月癸巳，至自西征。冬十月丁卯，唐以灭梁来告，即遣使报聘。庚辰，日本国来贡。辛巳，高丽国来贡。十一月丁酉，幸安国寺，饭僧，赦京师囚，纵五坊鹰鹞。己酉，新罗国来贡。十二月乙亥，诏曰：“所谓两事，一事已毕，惟渤海世仇未雪，岂宜安驻！”乃举兵新征渤海大逋谟。皇后、皇太子、大元帅尧骨皆从。闰月壬辰，祠木叶山。壬寅，以青牛白马祭天地于乌山。己酉，次撒葛山，射鬼箭。丁巳，次商岭，夜围扶余府。

天显元年春正月己未，白气贯日。庚申，拔扶余城，诛其守将。丙寅，命惕隐安端、前北府宰相萧阿古只等将万骑为先锋，遇逋谟老相兵，破之。皇太子、大元帅尧骨、南府宰相苏、北院夷离堇斜涅赤，南院夷离堇迭里是夜围忽汗城。己巳，逋谟请降。庚午，驻军于忽汗城南。辛未，

逋谟素服，稿索牵羊，率僚属三百余人出降。上优礼而释之。甲戌，诏谕渤海郡县。丙子，遣近侍康末怛等十三人入城索兵器，为逋卒所害。丁丑，逋谟复叛，攻其城，破之。驾幸城中，逋谟请罪马前。诏以兵卫逋谟及族属以出。祭告天地，复还军中。二月庚寅，安边、郑颢、南海、定理等府及诸道节度、刺史来朝，慰劳遣之，以所获器币诸物赐将士。壬辰，以青牛白马祭天地。大赦，改元天显。以平渤海遣使报唐。甲午，复幸忽汗城，阅府库物，赐从臣有差。以奚部长勃鲁恩、王郁自回鹘、新罗、吐蕃、党项、室韦、沙陀、乌古等从征有功，优加赏赉。丙午，改渤海国为东丹，忽汗城为天福。册皇太子倍为人皇王以主之。以皇弟迭剌为左大相，渤海老相为右大相，渤海司徒大素贤为左次相，耶律羽之为右次相。赦其国内殊死以下。丁未，高丽、汐貊、铁骊、靺鞨来贡。三月戊午，遣夷离毕康默记、左仆射韩延徽攻长岭府。甲子，祭天。丁卯，幸人皇王宫。己巳，安边、郑颢、定理三府叛，遣安端讨之。丁丑，三府平。壬午，安端献俘，诛安边府叛帅二人。癸未，宴东丹国僚佐，颁赐有差。甲申，幸天福城。乙酉，班师，以大逋谟举族行。夏四月丁亥朔，次伞子山。辛卯，人皇王率东丹国僚属辞。是月，唐养子李嗣源反，郭存谦弑其主存勖，嗣源遂即位。五月辛酉，南海、定理二府复叛，大元帅尧骨讨之。六月丁酉，二府平。丙午，次慎州，唐遣姚坤以国哀来告。秋七月丙辰，铁州刺史卫筠反。乙丑，尧骨攻拔铁州。庚午，东丹国左大相迭剌卒。辛未，卫送大逋谟于皇都西，筑城以居之。赐逋谟名曰乌鲁古，妻曰阿里只。卢龙行军司马张崇叛，奔唐。甲戌，次扶余府，上不豫。是夕，大星陨于幄前。辛巳平旦，子城上见黄龙缭绕，可长一里，光耀夺目，入于行宫。有紫黑气蔽天，逾日乃散。是日，上崩，年五十五。天赞三年上所谓“丙戌秋初，必有归处”，至是乃验。壬午，皇后称制，权决军国事。

八月辛卯，康默记等攻下长岭府。甲午，皇后奉梓宫西还。壬寅，尧骨讨平诸州，奔赴行在。乙巳，人皇王倍继至。九月壬戌，南府宰相苏薨。丁卯，梓宫至皇都，权殡于子城西北。己巳，上谥升天皇帝，庙号太祖。冬十月，卢龙军节度使卢国用叛，奔于唐。十一月丙寅，杀南院夷离堇耶律迭里、郎君耶律匹鲁等。二年八月丁酉，葬太祖皇帝于祖陵，置祖州天城军节度使以奉陵寝。统和二十六年七月，进谥大圣大明天皇帝。重熙二十一年九月，加谥大圣大明神烈天皇帝。太祖所崩行宫在扶余城西南两河之间，后建升天殿于此，而以扶余为黄龙府云。

赞曰：辽之先，出自炎帝，世为审吉国，其可知者盖自奇首云。奇首生都菴山，徙潢河之滨。传至雅里，始立制度，置官属，刻木为契，穴地为牢，让阻午而不肯自立。雅里生毗牒。毗牒生頡頏，頡頏生耨里思，大度寡欲，令不严而人化，是为肃祖。肃祖生萨剌德，尝与黄室韦挑战，矢贯数札，是为懿祖。懿祖生勾德实，始教民稼穡，善畜牧，国以殷富，是为玄祖。玄祖生撒剌的，仁民爱物，始置铁冶，教民鼓铸，是为德祖，即太祖之父也，世为契丹遥辇氏之离堇，执其政柄。德祖之弟述澜，北征于厥、室韦，南略

易、定、奚、霫，始兴板筑，置城邑，教民种桑麻，习织组，已有广土众民之志。而太祖受可汗之禅，遂建国。东征西讨，如折枯拉朽。东自海，西至于流沙，北绝大漠，信威万里，历年二百，岂一日之故哉！周公诛管、蔡，人未有能非之者。刺葛、安端之乱，太祖既贷其死而复用之，非人君之度乎？旧史扶余之变，亦异矣夫！

卷三

本纪第三

太宗上

太宗孝武惠文皇帝，讳德光，字德谨，小字尧骨。太祖第二子，母淳钦皇后萧氏。唐天复二年生，神光异常，猎者获白鹿、白鹰，人以为瑞。及长，貌严重而性宽仁，军国之务多所取决。天赞元年，授天下兵马大元帅，寻诏统六军南徇地。明年，下平州，获赵思温、张崇。回破箭筈山胡逊奚，诸部悉降。复以兵掠镇、定，所至皆坚壁不敢战。师次幽州，符存审拒于州南，纵兵邀击，大破之，擒裨将裴信等数十人。及从太祖破于厥里诸部，定河壩党项，下山西诸镇，取回鹘单于城，东平渤海，破达卢古部，东西万里，所向皆有功。

天显元年七月，太祖崩，皇后摄军国事。明年秋，治祖陵毕。冬十一月壬戌，人皇王倍率群臣请于后曰：“皇子大元帅勋望，中外攸属，宜承大统。”后从之，是日即皇帝位。癸亥，谒太祖庙。丙寅，行柴册礼。戊辰，还都。壬申，御宣政殿，群臣上尊号曰嗣圣皇帝。大赦。有司请改元，不许。十二月庚辰，尊皇太后为太皇太后，皇后为应天皇后，立妃萧氏为皇后。礼毕，阅近侍班局。辛巳，诸道将帅辞归镇。己丑，祀天地。庚寅，遣使谕诸国。辛卯，阅群牧于近郊。戊戌，女直遣使来贡。壬寅，谒太祖庙。甲辰，阅旗鼓、客省诸局官属。丁未，诏选遥辇氏九帐子弟可任官者。

三年春正月己酉，阅北克兵籍。庚戌，阅南克兵籍。丁巳，阅皮室、拽刺、墨离三军。己未，黄龙府罗涅河女直、达卢古来贡。庚午，以王郁为兴国军节度使，守中书令。二月，幸长泆。己亥，惕隐涅里衮进白狼。辛丑，达卢古来贡。三月乙卯，东蒐。癸亥，猎杀斡山。乙丑，猎松山。唐义武军节度使王都遣人以定州来归。唐主出师讨之，使来乞援，命奚秃里铁刺往救之。四月戊寅，东巡。己卯，祭廕鹿神。丁亥，于猎所纵公私取羽毛革木之材。甲午，取箭材赤山。丙申，猎三山。铁刺败唐将王晏球于定州。唐兵大集，铁刺请益师。辛丑，命惕隐涅里衮、都统查刺赴之。五月丙午，建天膳堂。猎索刺山。戊申，至自猎。丁卯，命林牙突吕不讨乌古部。己巳，女直来贡。六月己卯，行瑟瑟礼。秋七月丁未，突吕不献讨乌古捷。壬子，王都奏唐兵破定州，铁刺死之，涅里衮、查刺等数十人被执。上以出师非时，甚悔之，厚赐战殁将校之家。庚午，有事于太祖庙。八月丙子，突厥来贡。庚辰，诏建《应天皇后诞圣碑》于仪坤州。

九月己卯，突吕不遣人献讨乌古俘。癸未，诏分赐群臣。己丑，幸人皇王倍第。庚寅，遣人使唐。辛卯，再幸人皇王第。癸巳，有司请以上生日为天授节，皇太后生日为永宁节。冬十月癸卯朔，以永宁节，上率群臣上寿于延和宫。己酉，谒太祖庙。唐遣使遗玉笛。甲子，天授节，上御五鸾殿受群臣及诸国使贺。十一月丙子，鼻骨德来贡。辛丑，自将伐唐。十二月癸卯，祭天地。庚戌，闻唐主复遣使来聘，上问左右，皆曰：“唐数遣使来，实畏威也，未可轻举，观衅而动可也。”上然之。甲寅，次杏塌，唐使至，遂班师。时人皇王在皇都，诏遣耶律羽之迁东丹民以实东平。其民或亡入新罗、女直，因诏困乏不能迁者，许上国富民给赡而隶属之。升东平郡为南京。

四年春正月壬申朔，宴群臣及诸国使，观俳优角觝戏。己卯，如瓜塌。二月庚戌，阅遥辇氏户籍。三月甲午，望祀群神。夏四月辛亥，至自瓜塌。壬子，谒太祖庙。癸丑，谒太祖行宫。甲寅，幸天城军，谒祖陵。辛酉，人皇王倍来朝。癸亥，录囚。五月癸酉，谒二仪殿，宴群臣。女直来贡。戊子，射柳于太祖行宫。癸巳，行瑟瑟礼。六月丙午，突吕不献乌古俘。戊申，分赐将士。己酉，西巡。己未，选轻骑数千猎近山。癸亥，驻蹕凉陁。秋七月庚辰，观市，曲赦系囚。甲午，祠太祖而东。八月辛丑，至自凉陁，谒太祖庙。癸卯，幸人皇王第。己酉，谒太祖庙。九月庚午，如南京。戊寅，祠木叶山。己卯，行再生礼。癸巳，至南京。冬十月壬寅，幸人皇王第，宴群臣。甲辰，幸诸营，阅军籍。庚戌，以云中郡县未下，大阅六军。甲子，诏皇弟李胡帅师趣云中讨郡县之未附者。十一月丙寅朔，以出师告天地。丁卯，饯皇弟李胡于西郊。壬申，命大内惕隐告出师于太祖行宫。甲申，观渔三叉口。十二月戊申，女直来贡。戊午，至自南京。

五年春正月庚午，皇弟李胡拔襄州捷至。甲午，朝皇太后。二月己亥，诏修南京。癸卯，李胡还自云中，朝于行在。丙午，以先所俘渤海户赐李胡。丙辰，上与人皇王朝皇太后。太后以皆工书，命书于前以观之。辛酉，召群臣议军国事。三月丙寅，朝皇太后。丁卯，皇弟李胡请赦宗室舍利郎君以罪系狱者，诏从之。己巳，幸皇叔安端第。辛未，人皇王献白纈。乙亥，册皇弟李胡为寿昌皇太弟，兼天下兵马大元帅。壬午，以龙化州节度使刘居言同中书门下平章事。乙酉，宴人皇王僚属便殿。庚寅，驾发南京。夏四月乙未，诏人皇王先赴祖陵谒太祖庙。丙辰，会祖陵。人皇王归国。五月戊辰，诏修袁潭离宫。乙酉，谒太祖庙。六月己亥，射柳于行在。乙卯，如沿柳湖。丁巳，拜太祖御容于明殿。己未，敌烈德来贡。秋七月壬申，乌古来贡。戊子，荐时果于太祖庙。八月丁酉，以大圣皇帝、皇后宴寝之所号日月宫，因建《日月碑》。丙午，如九层台。九月己卯，诏舍利普宁抚慰人皇王。庚辰，诏置人皇王仪卫。丁亥，至自九层台，谒太祖庙。冬十月戊戌，遣使赐人皇王胙。癸卯，建《太祖圣功碑》于如迁正集会塌。甲辰，人皇王进玉笛。十一月戊寅，东丹奏人皇王浮海适唐。

六年春正月甲子，西南边将以慕化辖戛斯国人来。乙丑，敌烈德来贡。丁卯，如南京。三月辛未，召大臣议军

国事。丁亥，人皇王倍妃萧氏率其国僚属来见。夏四月己酉，唐遣使来聘。是月置中台省于南京。五月乙丑，祠木叶山。乙亥，至自南京。壬午，谒太祖陵。闰月庚寅，射柳于近郊。六月壬申，如凉陞。壬午，乌古来贡。秋七月丁亥，女直来贡。己酉，命将校以兵南略。壬子，荐时果于太祖庙。东幸。八月庚申，皇子述律生，告太祖庙。辛巳，鼻骨德来贡。九月甲午，诏修京城。冬十月丁丑，铁骊来贡。十一月乙酉，唐遣使来聘。十二月甲寅朔，祭太祖庙。丙辰，遣人以诏赐唐卢龙军节度使赵德钧。

七年春正月壬辰，征西将军课里遣拽刺铎括奏军事。己亥，唐遣使来聘。癸卯，遣人使唐。戊申，祠木叶山。二月壬申，拽刺迪德使吴越还，吴越王遣使从，献宝器。复遣使持币往报之。三月己丑，林牙迪离毕指斥乘舆，囚之。丁未，遣使诸国。戊申，上率群臣朝于皇太后。夏四月甲戌，唐遣使来聘，致人皇王倍书。己卯，女直来贡。五月壬午朔，幸祖州，谒太祖陵。六月戊辰，御制《太祖建国碑》。戊寅，乌古、敌烈德来贡。庚辰，观角觝戏。秋七月辛巳朔，赐中外官吏物有差。癸未，赐高年布帛。丙戌，召群臣耆老议政。壬辰，唐遣使遗红牙笙。癸巳，使复至，惧报定州之役也。壬寅，唐卢龙军节度使赵德钧遣人进时果。丁未，荐新于太祖庙。八月壬戌，捕鹅于沿柳湖，风雨暴至，舟覆，溺死者六十余人，命存恤其家，识以为戒。戊辰，林牙迪离毕逸囚，复获而鞠之，知其事本诬构，释之。九月庚子，阻卜来贡。冬十月乙卯，唐遣使来聘。己巳，遣使云中。十一月丁亥，遣使存问获里国。丁未，阻卜贡海东青鹞三十连。十二月辛亥，以叛人泥离袞家口分赐群臣。丁巳，西狩，驻蹕平地松林。

八年春正月戊子，女直来贡。庚子，命皇太弟李胡、左威卫上将军撒剌率兵伐党项。癸卯，上亲伐之。二月辛亥，吐谷浑、阻卜来贡。乙卯，克实鲁使唐还，以附献物分赐群臣。三月辛卯，皇太弟讨党项胜还，宴劳之。丙申，唐遣使请罢征党项兵，上以战捷及党项已听命报之。夏四月戊午，党项来贡。五月己丑，猎独牛山，惕隐迪鞞所乘内厩骝马毙，因赐名其山曰骝山。戊戌，如沿柳湖。六月甲寅，阻卜来贡。甲子，回鹘阿萨兰来贡。秋七月戊寅，行纳后礼。癸未，皇子提离古生。丁亥，铁骊、女直、阻卜来贡。冬十月乙巳，阻卜来贡。丙午，至自沿柳湖。辛亥，唐遣使来聘。己未，遣拔刺使唐。辛未，乌古吐鲁没来贡。十一月辛丑，太皇太后崩，遣使告哀于唐及人皇王倍。是月，唐主嗣源殂，子从厚立。十二月丁卯，党项来贡。

九年春正月癸酉，渔于土河。丙申，党项贡驼、鹿。己亥，南京进白獐。闰月戊午，唐遣使告哀，即日遣使吊祭。壬戌，东幸。女直来贡。二月壬申，祠木叶山。戊寅，葬太皇太后于德陵。前二日，发丧于葦涂殿，上具衰服以送。后追谥宣简皇后，诏建碑于陵。三月癸卯，女直来贡。夏四月，唐李从珂弑其主自立。人皇王倍自唐上书请讨。五月甲辰，如沿柳湖。癸丑，女直来贡，大星昼陨。六月己巳朔，鼻骨德来贡。辛未，唐李从厚谢吊祭所遣使初至阙。秋八月壬午，自将南伐。乙酉，拽刺解里手接飞雁，上异之，因以祭天地。九月庚子，西南星陨如雨。乙卯，次云州。丁巳，

拔河阴。冬十月丁亥，略地灵丘，父老进牛酒犒师。十一月辛丑，围武州之阳城。壬寅，阳城降。癸卯，注只城降，括所俘丁壮籍于军。十二月壬辰，皇子阿钵撒葛里生，皇后不豫。是月驻蹕百湖之西南。

十年春正月戊申，皇后崩于行在。二月戊寅，百僚请加追谥，不许。辛巳，宰相涅里衮谋南奔，事觉，执之。三月戊午，党项来贡。夏四月，吐谷浑酋长退欲德率众内附。丙戌，皇太后父族及母前夫之族二帐并为国舅，以萧緬思为尚父领之。己丑，录囚。五月甲午朔，始制服行后丧。丙午，葬于奉陵。上自制文，谥曰彰德皇后。癸丑，以舍利王庭鹞为龙化州节度使。六月乙丑，吐浑来贡。辛未，幸品不里淀。秋七月乙卯，猎南赤山。冬十一月丙午，幸弘福寺。为皇后饭僧，见观音画像，乃大圣皇帝、应天皇后及人皇王所施，顾左右曰：“昔与父母兄弟聚观于此，岁时未几，今我独来！”悲叹不已。乃自制文题于壁，以极追感之意。读者悲之。十二月庚辰，如金瓶冻，遣拽刺化哥、窟鲁里、阿鲁扫姑等捉生敌境。

十一年春正月，钓鱼于土河。庚申，如潢河。三月庚寅朔，女直来贡。夏四月庚申，谒祖陵。戊辰，还都，谒太祖庙。辛未，燕民之复业者陈汴州事宜。癸酉，女直诸部来贡。癸未，赐回鹘使衣有差。五月戊戌，清暑沿柳湖。六月戊午朔，鼻骨德来贡。乙酉，吐谷浑来贡。秋七月辛卯，乌古来贡。壬辰，蒲剌烈公主率三河乌古来朝。丙申，唐河东节度使石敬瑭为其主所讨，遣赵莹因西南路招讨卢不姑求救，上白太后曰：“李从珂弑君自立，神人共怒，宜行天讨。”时赵德钧亦遣使至，河东复遣桑维翰来告急，遂许兴师。八月己未，遣萧辖里报河东师期。丙寅，吐谷浑来贡。庚午，自将以援敬瑭。九月癸巳，有飞鸞自坠而死，南府夷离堇曷鲁恩得之以献。卜之，吉。上曰：“此从珂自灭之兆也！”丁酉，入雁门。戊戌，次忻州，祀天地。己亥，次太原。庚子，遣使谕敬瑭曰：“朕兴师远来，当即与卿破贼！”会唐将高行周、符彦卿以兵来拒，遂勒兵陈于太原。及战，佯为之却。唐将张敬达、杨光远又阵于西，未成列，以兵薄之。而行周、彦卿为伏兵所断，首尾不相救。敬达、光远大败，弃仗如山，斩首数万级。敬达走保晋安寨，夷离堇的鲁与战，死之。敬瑭率官属来见，上执手抚慰之。癸卯，围晋安。甲辰，以的鲁子徒离骨嗣为夷离堇，仍以父字为名，以旌其忠。南宰相鹤离底、奚监军寅你已、将军陪阿临阵退懦，上召切责之。冬十月甲子，封敬瑭为晋王，幸其府。敬瑭与妻李率其亲属捧觞上寿。初围晋安，分遣精兵守其要害，以绝援兵之路。而李从珂遣赵延寿以兵二万屯柏谷，范延广以兵二万屯辽州，幽州赵德钧以所部兵万余由上党趋延寿军，合势进击，知此有备，皆逗留不进。从珂遂将精骑三万出次河阳，亲督诸军。然知其不救，但日酣饮悲歌而已。丁卯，召敬瑭至行在所，赐坐，上从容语之曰：“吾三千里举兵而来，一战而胜，殆天意也，观汝雄伟弘大，宜受兹南土，世为我藩辅。”遂命有司设坛晋阳，备礼册命。十一月丁酉，册敬瑭为大晋皇帝。自戊戌至戊申，候骑两奏南有兵至，复奏西有兵至。命惕隐迪鞞洼拒之。唐将张敬达在围八十余日，内外隔绝，军储殆尽，至濯马粪、

屑木以饲马,马饥至自相啖其骏尾,死则以充食。光远等劝敬达出降,敬达曰:“吾有死而已。尔欲降,宁斩吾首以降。”闰月甲子,杨光远、安审琦杀敬达以降。上闻敬达至死不变,谓左右曰:“凡为人臣,当如此也!”命以礼葬。所降军士及马五千匹以赐晋帝。丙寅,祀天地以告成功。庚午,仆射萧酷古只奏赵德钧等诸援兵将遁,诏夜发兵追击。德钧等军皆投戈弃甲,自相蹂践,挤于川谷者不可胜纪。仍命皇太子驰轻骑据险要,追及步兵万余,悉降之。辛未,兵度团柏谷,以酒肴祀天地。俄追及德钧父子,乃率众降。次潞州,召诸将议,皆请班师,从之。命南宰相解领、鹤离底、奚监军寅你已、将军陪阿先还。壬申,惕隐洼、林牙迪离毕来献俘。晋帝辞归,上与宴饮。酒酣,执手约为父子。以白貂裘一、厩马二十、战马千二百钱之。命迪离毕将五千骑送入洛。临别,谓之曰:“朕留此,候乱定乃还耳。”辛巳,晋帝至河阳,李从珂穷蹙,召人皇王倍同死,不从,遣人杀之,乃举族自焚。诏收其士卒战歿者瘞之汾水上,以为京观。晋命桑维翰为文,纪上功德。十二月乙酉朔,遣近侍挾鲁存问晋帝。丙戌,以晋安所获分赐将校。戊子,遣使驰奏皇太后,及报诸道师还。庚寅,发太原。辛卯,闻晋帝入洛,遣郎君解里德抚问。壬辰,次细河,闻降将赵德钧父子兵马。戊戌,次雁门,以沙退保所部兵分隶诸将。庚戌,幸应州。癸丑,唐大同、彰国、振武三节度使迎见,留之不遣。

十二年春正月丙辰,次堆子口。唐大同军节度判官吴峦闭城拒命,遣崔廷勋围其城。庚申,上亲征,至城下谕之,峦降。辛酉,射鬼箭于云州北。壬戌,祀天地。癸亥,遣国舅安端发奚西部民各还本土。丙寅,皇太后遣侍卫实鲁趣行,是夕,率轻骑先进。丁丑,皇子述律迎谒于滦河,告功太祖行宫。戊寅,朝于皇太后,进珍玩为寿。二月丁亥,以军前所获俘虏叛入幽州者皆斩之。壬寅,诏诸部休养士卒。癸卯,晋遣唐所掠郎君刺哥、文班史萧觿里还朝。三月庚申,晋遣使来贡。丁卯,晋天雄军节度使范延广潜遣人请内附,不纳。己巳,遣郎君的烈古、梅里迭烈使晋。壬午,晋使及诸国使来见。夏四月甲申,地震。幸平地松林,观潢水源。五月甲寅,幸频跸淀。壬申,震开皇殿。六月甲申,晋遣户部尚书聂延祚等请上尊号,及归雁门以北与幽、薊之地,仍岁贡帛三十万匹,诏不许。庚戌,侍中烈率言,范延广叛晋,引兵南向。秋七月辛亥朔,诏诸部治兵甲。癸丑,幸怀州,谒奉陵。甲子,晋遣使来告范延广反。庚午,遣耶律衰古里使晋议军事。八月癸未,晋遣使复请上尊号,不许。庚寅,晋及太原刘知远、南唐李昇各遣使来贡。庚子,晋遣使以都汴及范延广降来告。九月壬子,鼻骨德来贡。庚申,遣直里古使晋及南唐。癸亥,术不姑、女直来贡。辛未,遣使高丽、铁骊。癸酉,回鹘来贡。冬十月庚辰朔,皇太后永宁节,晋及回鹘、黠戛等国皆遣使来贺。壬午,诏回鹘使胡离只、阿刺保,问其风俗。丁亥,诸国使还,就遣蒲里骨皮室胡未里使其国。十一月己未,遣使求医于晋。丁卯,铁骊来贡。十二月甲申,东幸,祀木叶山。己丑,医来。

卷四

本纪第四

太宗下

会同元年春正月戊申朔,晋及诸国遣使来贺。晋使且言已命和凝撰《圣德神功碑》。戊辰,遣人使晋。二月壬午,室韦进白麋。戊子,铁骊来贡。丁酉,猎松山。戊戌,幸辽河东。丙申,上思人皇王,遣惕隐率宗室以下祭其行宫。丁未,诏增晋使所供亿户。三月壬戌,将东幸,三克言农务方兴,请减輶重,促还朝,从之。丙寅,女直来贡。癸酉,东幸。夏四月戊寅朔,如南京。甲申,女直来贡。乙酉,幸温泉。己丑,还宫,朝于皇太后。丁酉,女直贡弓矢。己亥,西南边大详稳耶律鲁不古奏党项捷。五月甲寅,晋复遣使请上尊号,从之。六月丙子朔,吐谷浑及女直来贡。辛卯,南唐来贡。癸巳,诏建日月四时堂,图写古帝王事于两庑。秋七月癸亥,遣使赐晋马。丁卯,遣鹤离底使晋,梅里了古使南唐。戊辰,遣中台省右相耶律述兰、迭烈哥使晋,临海军节度使赵思温副之,册晋帝为英武明义皇帝。八月戊子,女直来贡。庚子,吐谷浑、乌孙、靺鞨皆来贡。九月庚戌,黑车子室韦贡名马。边臣奏晋遣守司空冯道、左散骑常侍韦勋来上皇太后尊号,左仆射刘昫、右谏议大夫卢重上皇帝尊号,遂遣监军寅你已充接伴。壬子,诏群臣及高年,凡授大臣爵秩,皆赐锦袍、金带、白马、金饰鞍勒,著于令。冬十月甲戌朔,遣郎君迪里姑等抚问晋使。壬寅,晋遣使来谢册礼。是日,复有使进独峰驼及名马。十一月甲辰朔,命南北宰相及夷离堇就馆赐晋使冯道以下宴。丙午,上御开皇殿,召见晋使。壬子,皇太后御开皇殿,冯道、韦勋册上尊号曰广德至仁昭烈崇简应天皇太后。甲子,行再生柴册礼。丙寅,皇帝御宣政殿,刘昫、卢重册上尊号曰睿文神武法天启运明德章信至道广敬昭孝嗣圣皇帝。大赦,改元会同。是月,晋复遣赵莹奉表来贺,以幽、薊、瀛、莫、涿、檀、顺、妫、儒、新、武、云、应、朔、寰、蔚十六州并图籍来献。于是诏以皇都为上京,府曰临潢。升幽州为南京,南京为东京。改新州为奉圣州,武州为归化州。升北、南二院及乙室夷离堇为王,以主簿为令,令为刺史,刺史为节度使,二部梯里已为司徒,达刺干为副使,麻都不为县令,县达刺干为马步。置宣徽、阁门使、控鹤、客省、御史大夫、中丞、侍御、判官、文班牙署、诸宫院世烛,马群、遥辇世烛,南北府、国舅帐郎君官为散史,诸部宰相、节度使帐为司空,二室韦闕林为仆射,鹰坊、监治等局官长为详稳。十二月戊戌,遣同括、阿钵等使晋,制加晋冯道守太傅,刘昫守太保,余官各有差。

二年春正月乙巳,以受晋册,遣使报南唐、高丽。丁未,御开皇殿,宴晋使冯道以下,赐物有差。戊申,晋遣金吾卫大将军马从斌、考功郎中刘知新来贡珍币,命分赐群臣。丙辰,晋遣使谢免沿边四州钱币。二月戊寅,宴诸王及

节度使来贺受册礼者，仍命皇太子、惕隐迪鞞饯之。癸巳，谒太祖庙，赐在京吏民物，及内外群臣官赏有差。丁酉，加兼侍中、左金吾卫上将军王郢检校太尉。三月，畋于蓑潭之侧。戊申，女直来贡。丁巳，封皇子述律为寿安王，薨撒葛为太平王。己巳，大赉百姓。夏四月乙亥，幸木叶山。癸巳，东京路奏狼食人。五月乙巳，禁南京鬻牝羊出境。思奴古多里等坐盗官物，籍其家。南唐遣使来贡。丁未，以所贡物赐群臣。戊申，回鹘单于使人乞授官，诏第加刺史、县令。六月丁丑，雨雪。是夏，驻蹕频蹕淀。秋七月戊申，晋遣使进犀带。庚戌，吐谷浑来贡。乙卯，敝史阿钵坐奉使失职，命笞之。闰月癸未，乙室大王坐赋调不均，以木剑背挺而释之，并罢南、北府民上供，及宰相、节度诸赋役非旧制者。乙酉，遣的烈赐晋乌古良马。己丑，以南王府二刺史贪蠹，各杖一百，仍系虞候帐，备射鬼箭；选群臣为民所爱者代之。八月乙丑，晋遣使贡岁币，奏输戌、亥二岁金币于燕京。九月甲戌，阻卜阿离底来贡。己卯，遣使使晋。冬十月丁未，上以乌古部水草肥美，诏北、南院徙三石烈户居之。十一月丁亥，铁骊、嫩煌并遣使来贡。十二月庚子，钓鱼于土河。甲子，回鹘使者廉人有以刃相击者，诏付其使处之。

三年春正月戊子，吴越王遣使来贡。庚寅，人皇王妃来朝。回鹘使乞观诸国使朝见礼，从之。壬辰，遣陪謁、阿钵使晋至生辰礼。晋以并、镇、忻、代之吐谷浑来归。二月己亥，奚王劳骨宁率六节度使朝贡。庚子，乌古遣使献伏鹿国俘，赐其部夷离菑旗鼓以旌其功。壬寅，女直来贡。辛亥，墨离菑末里使回鹘阿萨兰还，赐对衣劳之。乙卯，鸭绿江女直遣使来觐。三月戊辰，遣使使晋，报幸南京。己巳，如南京。辛未，命惕隐耶律涅离骨德率万骑先驱。壬申，次石岭，以奚王劳骨宁监军寅你已朝謁不时，切责之。丙子，鲁不姑上党项俘获数。癸未，猎水门，获白鹿。庚寅，诏扈从扰民者从军律。甲午，幸蓟州。乙未，晋及南唐各遣使来觐。夏四月庚子，至燕，备法驾，入自拱辰门，御元和殿，行入闾礼。壬寅，遣人使晋。乙巳，幸留守赵延寿别墅。丙午，晋遣宣徽使杨端、王眺等来问起居。壬子，御便殿，宴晋及诸国使。丙辰，晋遣使进茶药。壬戌，御昭庆殿，宴南京群臣。癸亥，晋遣使贺端午，以所进节物赐群臣。乙丑，南唐进白龟。五月庚午，以端午宴群臣及诸国使，命回鹘、嫩煌二使作本俗舞，俾诸使观之。庚辰，晋遣使进弓矢。甲申，遣皇子天德及检校司徒邸用和使晋。戊子，阅骑兵于南郊。六月乙未朔，东京宰相耶律羽之言渤海相大素贤不法，诏僚佐部民举有才德者代之。丙申，阅步卒于南郊。庚子，晋及辖刺骨只遣使来见。壬寅，驾发燕京，命中书令萧僧隐部诸道军于长坐营。癸丑，次奉圣州。甲寅，劳军士。秋七月己巳，猎猾底烈山。癸酉，朝于皇太后。丙子，从皇太后视人皇王妃疾。戊寅，人皇王妃萧氏薨。己卯，以安重荣据镇州叛晋，诏征南将军柳严边备。丙戌，徙人皇王行宫于其妃薨所。辛卯，晋遣使请行南郊礼，许之。八月己亥，诏东丹吏民为其王倍妃萧氏服。庚子，阻卜来贡。壬寅，遣使南唐。乙巳，阻卜、黑车子室韦、贺烈等国来贡。南唐遣使求青毡帐，赐之。戊申，以安端私城为白川州。辛

亥，鼻骨德使乞赐爵，以其国相授之。甲寅，阻卜来贡。乙卯，置白川州官属。丙辰，诏以于诸里河、肱胸河之近地，给赐南院欧菑突吕、乙斯勃、北院温纳何刺三石烈人为农田。九月庚午，侍中崔穷古言：“晋主闻陛下数游猎，意请节之。”上曰：“朕之畋猎，非徒从乐，所以练习武事也。”乃诏谕之。壬午，边将奏破吐谷浑，擒其长；诏止诛其首恶及其丁壮，余并释之。丙戌，晋遣使贡名马。戊子，女直及吴越王遣使来贡。冬十月辛丑，遣克郎使吴越，略姑使南唐。庚申，晋遣使贡布，及请亲祠南岳，从之。十一月己巳，南唐遣使奉蜡丸书言晋密事。丁丑，诏有司教民播种纺织。除姊亡妹续之法。十二月壬辰朔，率百僚謁太祖行宫。甲午，燔柴，礼毕，祠于神帐。丙申，遣使使晋。丙辰，诏契丹人授汉官者从汉仪，听与汉人婚姻。丁巳，诏燕京皇城西南堞建凉殿。是冬，驻蹕于伞淀。

四年春正月壬戌，以乙室、品卑、突軌三部鰥寡不能自存者，官为之配。丙子，南唐遣使来贡。庚辰，涅刺、乌陵部献党项俘获数。己丑，诏定征党项功。二月丙申，皇太子获白獐。甲辰，晋遣使进香药。丙子，铁骊来贡。丁巳，诏有司编《始祖奇首可汗事迹》。己未，晋遣杨彦询来贡。且言镇州安重荣跋扈状，遂留不遣。是月，晋镇州安重荣执辽使者拽刺。三月，特授回鹘使阔里于越，并赐旌旗、弓剑、衣马，余赐有差。癸酉，晋以许祀南郊，遣使来谢，进黄金十镒。夏四月己卯，晋遣使进樱桃。五月庚辰，吐谷浑夷离菑苏等叛入晋。遣牒蜡往谕晋及太原守臣。六月辛卯，振武军节度副使赵崇逐其节度使耶律画里，以朔州叛，附晋。丙午，命宣徽使袁古只赴朔州，以兵围其城，有晋使至，请开壁，即勿听，驿送阙下。秋七月癸亥，南唐遣使奉蜡丸书。丙寅，袁古只奏请遣使至朔令降，守者犹坚壁弗纳。且言晋有贡物。命即以所贡物赐攻城将校。己巳，有司奏神轘车有蜂巢成蜜，史占之，吉。壬申，晋遣使进水晶砚。八月癸巳，南唐奉蜡丸书。庚子，晋遣使进犀弓、竹矢。吴越王遣使奉蜡丸书。九月壬申，有星孛于晋分。丁丑，幸归化州。冬十月辛丑，有司奏燕、蓟大熟。癸卯，吴越王遣使来贡。十一月丙寅，晋以讨安重荣来告。庚午，吐谷浑请降，遣使抚谕。阻卜来贡，以其物赐左右。丙子，鸭绿江女直来贡。壬午，以永宁、天授二节及正旦、重午、冬至、腊并受贺，著令。十二月戊子，晋遣使来告山南节度使安从进反。诏以便宜讨之。庚寅，南唐遣使奉蜡丸书。戊戌，晋遣王升鸾来贡。戊申，晋以败安重荣来告，遂遣杨彦询归。辛亥，晋遣使乞罢戍兵，诏惕隐朔古班师。甲寅，攻拔朔州，遣控鹤指挥使诸里劳军。时袁古只战歿城下，上怒，命诛城中丁壮，仍以叛民上户三十为袁古只部曲。

五年春正月丙辰朔，上在归化州，御行殿受群臣朝。以诸道贡物进太后及赐宗室百僚。戊午，诏求直言，北王府郎君耶律海思应诏，召对称旨，特授宣徽使。诏政事令僧隐等以契丹户分屯南边。戊辰，晋函安重荣首来献。上数欲亲讨重荣，至是乃止。癸酉，遣使使晋。是月，晋以朔州平，遣使来贺，遂遣客省使耶律化哥使晋并致生辰礼。二月壬辰，上将南幸，以诸路有未平者，召太子及群臣议，皆曰：“今襄、镇、朔三州虽已平，然吐谷浑为安重荣所

诱，犹未归命，宜发兵讨之，以警诸部。”上曰：“正与联合。”遂诏以明王隈恩代于越信恩为西南路招讨使以讨之，且谕明王宜先练习边事，而后之官。甲午，如南京。遣使使晋索吐谷浑叛者。乙未，鼻骨德来贡。三月乙卯朔，晋遣齐州防御使宋晖业、翰林茶酒使张言来问起居。闰月，驻蹕阳门。夏四月甲寅朔，铁骊来贡，以其物分赐群臣。丙子，晋遣使进射柳鞍马。五月五日戊子，禁屠宰。六月癸丑朔，晋齐王重贵遣使来贡。丁巳，徒覬古、素撒来贡。乙丑，晋主敬瑭殂，子重贵立。戊辰，晋遣使告哀，辍朝七日。庚午，遣使往晋吊祭。丁丑，闻皇太后不豫，上驰入侍，汤药必亲尝。仍告太祖庙，幸菩萨堂，饭僧五万人。七月乃愈。秋七月庚寅，晋遣金吾卫大将军梁言、判四方馆事朱崇节来谢，书称“孙”，不称“臣”，遣客省使乔荣让之。景延广答曰：“先帝则圣朝所立，今主则我国自册。为邻为孙则可，奉表称臣则不可。”荣还，具奏之，上始有南伐之意。辛卯，阻卜、鼻骨德、乌古来贡。将军阔德里、蒲骨等率降将辖德至阙，并献所获。丁未，晋遣使以祖母哀来告。八月辛酉，女直、阻卜、乌古各贡方物。甲子，晋复襄州。戊辰，诏河东节度使刘知远送叛臣乌古指挥使由燕京赴阙。癸酉，遣天城军节度使萧拜石吊祭于晋。九月壬辰，遣使贺晋帝嗣位。冬十月己巳，征诸道兵。遣将军密骨德伐党项。十一月乙未，武定军奏松生枣。十二月癸亥，晋遣使来谢。是冬，驻蹕赤城。

六年春二月乙卯，晋遣使进先帝遗物。辛酉，晋遣使请居汴，从之。三月己卯朔，吴越王遣使来贡。甲申，梅里喘引来归。戊子，南唐遣使奉蜡丸书。丁未，晋至汴，遣使来谢。夏四月戊申朔，日有食之。五月己亥，遣使如晋致生辰礼。六月丁未朔，铁骊来贡。己未，奚劬骨里部进白麝。辛酉，莫州进白鹊。晋遣使贡金。秋八月丁未朔，晋复贡金。己未，如奉圣州。晋遣其子延熙来朝。冬十一月辛卯，上京留守耶律迪辇得晋谍，知有二心。甲辰，铁骊来贡。十二月丁未，如南京，议伐晋。命赵延寿、赵延昭、安端、解里等由沧、恒、易、定分道而进，大军继之。是岁，杨彦昭请移镇奈浹及新镇，从之。

七年春正月甲戌朔，赵延寿、延昭率前锋五万骑次任丘。丙子，安端入雁门，围忻、代。己卯，赵延寿围贝州，其军校邵珂开南门纳辽兵，太守吴峦投井死。己丑，次元城，授延寿魏、博等州节度使，封魏王，率所部屯南乐。丙申，遣兵攻黎阳，晋张彦泽来拒。辛丑，晋遣使来修旧好，诏割河北诸州，及遣桑维翰、景延广来议。二月甲辰朔，攻博州，刺史周儒以城降。晋平卢军节度使杨光远密道辽师自马家口济河。晋将景延广命石斌守麻家口，白再荣守马家口。未几，周儒引辽军麻答营于河东，攻郛州北津，以应光远。晋遣李守贞、皇甫遇、梁汉璋、薛怀让将兵万人，缘河水陆俱进。辽军围晋别将于戚城，晋主自将救之，辽师解去。守贞等至马家口，麻答遣步卒万人筑营垒，骑兵万人守于外，余兵屯河西。渡未已，晋兵薄之，辽军不利。三月癸酉朔，赵延寿言：“晋诸军沿河置栅，皆畏怯不敢战。若率大兵直抵澶渊，据其桥梁，晋必可取。”是日，晋兵驻澶渊，其前军高行周在戚城。乃命延寿、延昭以数万骑

出行周右，上以精兵出其左。战至暮，上复以劲骑突其中军，晋军不能战。会有谍者言晋军东面数少，沿河城栅不固，乃急击其东偏，众皆奔溃。纵兵追及，遂大败之。壬午，留赵延昭守贝州，徙所俘户于内地。夏四月癸丑，还次南京。辛未，如凉陞。五月癸酉，耶律拔里得奏破德州，擒刺史尹居璠及将吏二十七人。六月甲辰，黑车子室韦来贡。乙巳，纥没里、要里等国来贡。秋七月己卯，晋杨光远遣人奉蜡丸书。辛卯，晋遣张晖奉表乞和，留晖不遣。八月辛酉，回鹘遣使请婚，不许。是月，晋镇州兵来袭飞狐，大同军节度使耶律孔阿战败之。九月庚午朔，北幸。冬十月丁未，鼻骨德来贡。壬戌，天授节，诸国进贺，惟晋不至。十一月壬申，诏征诸道兵，以闰月朔会温榆河北。十二月癸卯，南伐。甲子，次古北口。闰己巳朔，阅诸道兵于温榆河。己卯，围恒州，下其九县。

八年春正月庚子，分兵攻邢、洛、磁三州，杀掠殆尽。入鄆都境。张从恩、马全节、安审琦兵悉陈于相州安阳水之南。皇甫遇与濮州刺史慕容彦超将兵千骑来觐辽军。至鄆都，遇辽军数万，且战且却，至榆林店。辽军继至，遇与彦超力战百余合，遇马毙，步战，审琦引骑兵逾水以救，辽军乃还。二月，围魏，晋将杜重威率兵来救。戊子，晋将折从阮陷胜州。三月戊戌，师拔祁州，杀其刺史沈斌。庚戌，杜重威、李守贞攻泰州。戊子，赵延寿率前锋薄秦城。己未，重威、守贞引兵南遁，追至阳城，大败之。复以步卒为方阵来拒，与战二十余合。壬戌，复搏战十余里。癸亥，围晋兵于白团卫村。晋兵下鹿角为营。是夕大风。至曙，命铁鹞军下马，拔其鹿角，奋短兵入击。顺风纵火扬尘，以助其势。晋军大呼曰：“都招讨何不用兵，令士卒徒死！”诸将皆奋出战。张彦泽、药元福、皇甫遇出兵大战，诸将继至，辽军却数百步。风益甚，昼晦如夜。符彦卿以万骑横击辽军，率步卒并进，辽军不利。上乘奚车退十余里，晋追兵急，获一橐驼乘之乃归。晋兵退保定州。夏四月甲申，还次南京，杖战不力者各数百。庚寅，宴将士于元和殿。癸巳，如凉陞。六月戊辰，回鹘来贡。辛未，吐谷浑、鼻骨德皆来贡。辛巳，黑车子室韦来贡。丁亥，赵延寿奏晋兵袭高阳，戍将击走之。秋七月乙卯，猎平地松林。晋遣孟守中奉表请和，仍以前事答之。八月己巳，诏侍卫萧素撒阅群牧于北陞。九月壬寅，次赤山，宴从臣，问军国要务，对曰：“军国之务，爱民为本。民富则兵足，兵足则国强。”上以为然。辛酉，还上京。冬十月辛未，祠木叶山。十一月戊戌，女直、铁骊来贡。十二月癸亥朔，朝谒太祖行宫。乙丑，云州节度使耶律孔阿获晋谍者。戊辰，腊，赐诸国贡使衣马。

九年春正月庚子，回鹘来贡。丁未，女直来贡。二月戊辰，鼻骨德奏军籍。三月乙亥，吐谷浑遣军校恤烈献生口千户，授恤烈检校司空。夏四月辛酉朔，吐谷浑白可久来附。是月，如凉陞。五月庚戌，晋易州戍将孙方简请内附。六月戊子，谒祖陵，更闋神殿为长思。秋七月辛亥，诏征诸道兵，敢伤禾稼者，以军法论。癸丑，女直来贡。乙卯，以阻卜酋长曷刺为本部夷离堇。八月丙寅，乌古来贡。是月，自将南伐。九月壬辰，阅诸道兵于渔阳西枣林淀。是月，赵延寿与晋张彦泽战于定州，败之。冬十一月戊子朔，进围